

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

147.

A65



E L E G I A

In obitum immaturum Docti, Strenui ac Nobilissimi Viri,

DN. SIGISMUNDI à LATTORF

In Klieken & Grochvitz Hæreditarii,

Anno salutis 1618. die 2. Ianuarii horâ pomeridianâ secundâ, in Christo piè defuncti.

Siccine grassaris mors inter sanguine junctos,
 Ut geminos fratres, nobilitate pares:
 Nec non MARIAM trinâ cum prole sororem
 E medio tuleris, proh dolor! ante diem?
 Grande satis factum, sed erit crudelius illud,
 Si numeres spacium temporis exiguum.
 Nondum abiêre dies ter centum, ut grandior avo
 JOACHIM-ERNESTUS morte peremptus obit.
 Filiolum moriens secum pater abstulit unâ
 KUNO-GWILHELMI cui benè nomen erat.
 MARGARIS antè patrem dulcissima filia patris
 Liquerat, expirans, putre cadaver humo.
 Hos extincta soror præcesserat ANNA MARIA
 Cum gnatâ, nomen cui CATHARINA fuit,
 Lethi nulla mora est, fato SIGMUNDUS eodem
 Occidit, hei cui nunc debita justa damus.
 Stirpe Latorfiadùm sex hæc sunt corpora nata,
 Ordine quæ secum mors inopina tulit,
 Dic quid Fata volunt? nimis aspera fata juventæ?
 Nobilis unde venit tanta ruina domus?
 Scilicet à cœli Domino, terræque potenti;
 Qui vitæ imperium juraque mortis habet.
 Hic dator ut vitæ est, sic cui vult, eripit illam,
 Non quando nobis, sed sibi quando placet.
 Si quæris causam, peccati culpa nefandi est,
 Quæ tulit in mundum proh! genus omne mali.
 Sæpè sibi caros etiam DEVS optimus, antè
 Virga superveniat præripuisse solet.
 Ne vitæ impietas mores pervertat honestos
 Aut animam tentet fallere, ficta Fides.
 Sed mortem vicit moriens pro crimine mundi
 Salvator, vitam promeruitque novam.
 Inde pius, meritum CHRISTI qui cordeprehendunt,
 Post tristes obitus vita salusque venit.
 Hac quoque spe nixus, SIGMUNDUS nobilis ortu,
 Occubuit, mortis, triste secutus iter.
 A patre MATTHIA deduxit stemmatis ortum:
 MARGARIS at mater TRESCHCOVIANA fuit.
 Stemma Latorfiadùm generis splendore coruscans,
 Munia clara obiit, Martis & Artis ope:
 Turmarum præfecti ex hæc venêre sub auras,
 Stirpe: sacerdotes justitiæque simul.
 Fortibus hic ausis majorum incensus, adivit
 Fervidus ingenio, juris & artis iter.

Conantem jovit multum sub flore juventæ
 Cum patre SIGMUNDUS patruus, ære suo.
 Urbs Sorabùm puero linguæ præcepta latinæ,
 Artem æqui atque boni Leucoris alma dedit.
 Marpurgum excoluit juvenem, fecitque disertum
 Heidelbergæ bonum continuavit opus.
 Artibus excultus variis, post extera vidit
 Regna, Deos, mores, cum populisque scholas,
 Gallia quas celebrat, quas prædicat Ausonis ora:
 Quas Sala, quas Albis; quasque Thubinga colit.
 Tres artes didicit, tres linguas calluit idem,
 Possit ut alternis reddere verba modis.
 Inde domum rediens, post ultima fata parentis,
 Hæres, ut in patriâ sede locatus erat.
 Mox Elysabetam thalami sibi fœdere junxit,
 Cui Brant de Lindavv stirpis origo fuit.
 Hæc bis fœmineâ, simul & bis prole virili
 Fœta suo peperit pignora grata viro:
 Ex quibus una citâ periit nece filia: vivit
 Altera, grata DEO Margaris omen habens:
 Nec non vitali, fratres duo, luce fruuntur,
 Quos salvos servet provida cura DEI.
 Ast pater in mundo hoc postquam compleverat annos
 Vitæ bis trinos, ter deciesque suæ,
 Hei rabido tactus, qui nunc premit oppida, morbo
 Occidit, & superi scandit ad astra poli.
 Jamque DEI in claro conspectu gaudia carpit,
 Et luce imbuitur nunc propiore DEI.
 Namque DEI verbum coluit, ritusque sacros,
 Principium sumit, crescit & unde fides.
 In verbis verax, prudens in rebus agendis:
 Colloquio facilis, moribus atque gravis:
 Ut pius in vitâ, juris defensor & æqui:
 Sic quoque pauperibus dextra benigna fuit.
 Obsequio & precibus morbi tormenta maligni.
 Vicit, & obtinuit cœlitus ager opem.
 Nunc illi mors est requies, & meta laborum,
 In Christo vitæ principiumque novæ.
 Disce mori mortalis homo, benè vivere disce,
 Delicias mundi dispice, disce mori.

Nicolaus VVeinerus Eccle-
 siastes Klicensis.

WITTEBERGÆ

Typis Iohannis Gormanni exscripta, anno 1618.

A B E G T A

In officio Notarii Doct. Struensee Nobilissimi Viri

DN SIGISMUNDI LATOR

In Marken & Gochwitzer Harochter

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

147

165



WITTEBERG

Juris Johannis Gortmanni explicet anno 1819





№ 1996.

8

U

ULB Halle 3
 002 063 808



Sh

nicht aufg., da unvollst. u.
nicht zu ermitteln!


28 a / 50 / 1996 /

U 8 17

M

DX





B.I.G.

Farbkarte #13

Blue Cyan Green Yellow Red Magenta White 3/Color Black



149.
167

